



REPUBLIKA E SHQIPËRISË  
KËSHILLI I LARTË I PROKURORISË

VENDIM  
Nr. 45, datë 20.03.2025

PËR

**“CAKTIMIN E ZONJËS VITJUNA MATA (TERPOLLARI) NË DETYRËN E PROKURORIT NË PROKURORINË PRANË GJYKATËS SË SHKALLËS SË PARË TË JURIDIKSIONIT TË PËRGJITHSHËM TIRANË, NËPËRMJET PROCEDURËS SË LËVIZJES PARALELE”**

Këshilli i Lartë i Prokurorisë me pjesëmarrjen e:

|                          |                         |
|--------------------------|-------------------------|
| 1. Zonjës Mirela BOGDANI | Kryetar                 |
| 2. Zotit Erind GERMENJI  | Zv/Kryetar (në mungesë) |
| 3. Zotit Sokol STOJANI   | Anëtar                  |
| 4. Zotit Zeqir HODA      | Anëtar (në mungesë)     |
| 5. Zonjës Arta MANDRO    | Anëtar                  |
| 6. Zonjës Ledina RIZA    | Anëtar                  |
| 7. Zotit Moisi DUDA      | Anëtar                  |
| 8. Zotit Vatë STAKA      | Anëtar                  |
| 9. Zotit Olger EMINAJ    | Anëtar                  |
| 10. Zotit Erind MERKURI  | Anëtar (në mungesë)     |
| 11. Zotit Erion FEJZULLA | Anëtar                  |

në mbledhjen e datës 20.03.2025, konform procedurës së përcaktuar në nenet 159-161, 164 dhe vijues të ligjit nr. 115/2016, “Për organet e qeverisjes së sistemit të drejtësisë”, i ndryshuar, nenet 18 e vijues të Rregullores “Për organizimin dhe funksionimin e brendshëm të Këshillit të Lartë të prokurorisë”, shqyrtoi çështjen me objekt:

***“Caktimin e zonjës Vitjuna Mata (Terpollari) në detyrën e prokurorit në Prokurorinë pranë Gjykatës së Shkallës së Parë të Juridiksionit të Përgjithshëm Tiranë, nëpërmjet procedurës së lëvizjes paralele”***

KËSHILLI I LARTË I PROKURORISË:



KOPJE WEB

Pasi mori në shqyrtim, relacionin shoqërues nr. 1000 prot., datë 18.03.2025, të Komisionit të Zhvillimit të Karrierës, dëgjo i relatorin zonjën Ledina Riza, si dhe referuar bazës ligjore të lartpërmendur, përfshirë diskutimet në mbledhje mbi çështjen,

#### V Ë R E N:

1. Këshilli i Lartë i Prokurorisë (në vijim Këshilli) është institucioni që garanton pavarësinë, disiplinën, statusin dhe karrierën e prokurorëve në Republikën e Shqipërisë.
2. Me vendimin nr. 285, datë 17.07.2023, *“Për shpalljen e dy vendeve vakante për t’u plotësuar me procedurën e transferimit nëpërmjet lëvizjes paralele në prokurorinë pranë Gjykatës së Shkallës së Parë të Juridiksionit të Përgjithshëm Tiranë”*, Këshilli i Lartë i Prokurorisë shpalli dy vende vakante në Prokuroritë pranë Gjykatës së Shkallës së Parë të Juridiksionit të Përgjithshëm Tiranë, të cilat do të plotësohen nëpërmjet procedurës së lëvizjes paralele.
3. Në datë 26.07.2023 në faqen zyrtare web të Këshillit janë listuar kushtet ligjore, afatet që duhet të plotësojnë kandidatët për këto pozicione. Në vijim, Komisioni i Zhvillimit të Karrierës verifikoi plotësimin e kushteve ligjore të kandidatëve. Këshilli me vendimin Nr.294, datë 19.09.2023, miratoi listën e kandidatëve të cilët plotësonin kushtet ligjore të përcaktuara në kohën e kandidimit.
4. Në zbatim të procedurës administrative për pozicionin vakant Nr.1 në Prokurorinë pranë Gjykatës së Shkallës së Parë të Juridiksionit të Përgjithshëm Tiranë dhe në zbatim të neneve 9 pika 2 dhe 14 pika 1 të Rregullores *“Për transferimin e prokurorëve nëpërmjet procedurës së lëvizjes paralele”* (në vijim Rregullorja), janë njoftuar nga ana e Relatorit kandidatët e kualifikuar për këtë pozicion, në rrugë elektronike (me e-mail) në datë 23.01.2025, për fillimin e procedurës së vlerësimit të kandidatëve, si dhe për të drejtën për të kërkuar përjashtimin e relatorit, apo ndonjë anëtar i Këshillit, në rast të ekzistencës së një situatë konflikti interesi.
5. Në kushtet kur nuk ka pasur kërkesa për përjashtim, është vijuar puna për vlerësimin krahasimor të kriterëve të vlerësimit të kandidatëve, bazuar në nenin 43 pika 7 të ligjit nr. 96/2016 *“Për statusin e gjyqtarëve dhe prokurorëve në Republikën e Shqipërisë”* i ndryshuar (në vijim ligji nr.96/2016) si dhe në nenet 16, 17, 19 dhe 41 të Rregullores.
6. Këshilli me vendimin nr. 21, datë 13.02.2025, miratoi renditjen e kandidatëve për pozicionin vakant Nr. 1, shpallur me vendimin e Këshillit nr. 285, datë 17.07.2023, në Prokurorinë pranë Gjykatës së Shkallës së Parë të Juridiksionit të Përgjithshëm Tiranë si më poshtë:

1. Vitjuna Mata
2. Gentian Habazaj
3. Blerta Hamza

Ndërkohë që rezulton se vendimi i lartpërmendur nuk është ankimuar gjyqësisht.



KOPJE WEB



7. Për sa më sipër, si dhe në zbatim të nenit 45 të Rregullores për “Procedurën e lëvizjes paralele të prokurorëve”, ku parashikohet se: “ 1. Jo më vonë se 7 ditë nga marrja formë të prerë sipas ligjit të vendimit për renditjen e kandidatëve në një procedurë lëvizje paralele mbi projektvendimin e përgatitur nga relatori, Këshilli merr vendim për transferimin në atë pozicion të lirë të kandidatit të renditur më lart.

2. *Vendim i Këshillit i njoftohet prokurorit të transferuar, prokurorive respektive, si dhe bëhet publik në faqen zyrtare të internetit të Këshillit. Një kopje e vendimit bëhet pjesë e dosjes personale të prokurorit të transferuar.*”, Këshilli vijon me procedurën e transferimit nëpërmjet lëvizjes paralele.

8. Referuar sa më sipër, nga verifikimi rezultoi se, kandidatja Vitjuna Mata, me Dekretin nr. 9220, datë 07.09.2015, të Presidentit të Republikës, është emëruar Prokuror në Prokurorinë pranë Gjykatës së Shkallës së Parë Vlorë. Pra, aktualisht zonja Mata ka rreth 10 vjet (113 muaj) vjetërsi pune si magjistrat (duke përfshirë edhe periudhën e stazhit), të gjitha përvojë profesionale specifike në atë shkallë për të cilën kandidon dhe nuk ka masë disiplinore në fuqi.

**Për sa më sipër Këshilli i Lartë i Prokurorisë, konstaton se:**

9. Meqenëse për pozicionin vakant Nr.1 në Prokurorinë pranë Gjykatës së Shkallës së Parë të Juridiksionit të Përgjithshëm Tiranë prokurorja Vitjuna Mata është kandidat e kualifikuar, e renditur e para, duhet të vijohet me caktimin në detyrë të prokurores Vitjuna Mata në pozicionin vakant Nr.1 në Prokurorinë pranë Gjykatës së Shkallës së Parë të Juridiksionit të Përgjithshëm Tiranë.
10. Në përfundim, Këshilli vlerëson të shprehë se transferimi dhe fillimi i ushtrimit të detyrës në zyrën e prokurorisë pranë Gjykatës së Shkallës së Parë të Juridiksionit të Përgjithshëm Tiranë, do të fillojë, në datë 01.04.2025.

**PËR KËTO ARSYE:**

Mbështetur në nenin 149/a të Kushtetutës, nenin 90, pika 2 të “Kodit të Procedurave Administrative”, nenin 41 dhe 43 të ligjit Nr.96/2016 “Për statusin e gjyqtarëve dhe prokurorëve në Republikën e Shqipërisë” i ndryshuar, nenet 164, pika 8, 166 pika 2, 189 pika 1, germa “a” të ligjit Nr.115/2016 “Për organet e qeverisjes së sistemit të drejtësisë” i ndryshuar, nenin 44 dhe 45 të Rregullores “Mbi transferimin e prokurorëve nëpërmjet procedurës së lëvizjes paralele” e ndryshuar, Këshilli i Lartë i Prokurorisë,

**V E N D O S I:**

1. Caktimin e zonjës Vitjuna Mata (Terpollari) në detyrën e prokurorit në Prokurorinë pranë Gjykatës së Shkallës së Parë të Juridiksionit të Përgjithshëm Tiranë, në pozicionin vakant Nr. 1 shpallur me Vendimin e Këshillit të Lartë të Prokurorisë nr. 285, datë 17.07.2023.
2. Marrëdhëniet financiare që lidhen me pagën dhe përfitimet e tjera do të përballohen nga Prokuroria pranë Gjykatës së Shkallës së Parë të Juridiksionit të Përgjithshëm Tiranë duke filluar nga data 01.04.2025.
3. Të njoftohen për këtë vendim prokurori Vitjuna Mata (Terpollari), Prokurori i Përgjithshëm, Prokuroria pranë Gjykatës së Shkallës së Parë të Juridiksionit të

Përgjithshëm Vlorë, Prokuroria pranë Gjykatës së Shkallës së Parë të Juridiksionit të Përgjithshëm Tiranë.

4. Ky vendim hyn në fuqi më 01.04.2025 dhe publikohet në faqen zyrtare të internetit të Këshillit.

U shpall në Tiranë, sot më 20.03.2025.

**KRYETAR**  
**Mirela Bogdani**

**ANËTAR**  
**Sokol Stojani**

**ANËTAR**  
**Arta Mandro**

**ANËTAR**  
**Ledina Riza**

**ANËTAR**  
**Moisi Duda**

**ANËTAR**  
**Vatë Staka**

**ANËTAR**  
**Olger Eminaj**

**ANËTAR**  
**Erion Fejzulla**